

QVÆSTIO MEDICA

CARDINALITIIS DISPUTATIONIBVS

MANE DISCVTIENDA IN SCHOLIS MEDICORVM.

DIE IOVIS III. MAIL.

M. FRANCISCO BOVIONIER, Doctore Medico, Moderatore.

Potestne Senectus arte Medica retardari?

737



ORS non peccati soboles, sed terror: non vitæ finis, sed extremus terminus, fatalis quidē & necessarius, minimē tamen præfixus, tamque incertus quā ineluctabilis: non æquo pulsā pede pauperum tabernas regūque turres; ocyus, tardius, omnium mouetur vna. Eādem nascendi & denascendi lege tenemur: sed vnus ingressus plures habet egressus, & cum ortus nostri vnica sit via, interitus est multiplex: violentus vtrūque prudentiā præcaueri potest: naturalis, cuiusmodi est omnis doloris expertus, si non prohiberi, saltem arte differri. Ibi ratio & ars locum habent, vbi necessitas non imperat. Posuit Deus hominem in manu consilij, & vitæ vsuram eius arbitrio permisit: Arti in columitatem & diuturnitatem commisit. Hanc qui negat, Deo iniuriam facit & Naturæ. Hinc verus Medicus *ισωδός*, cuius beneficio, *εισοσσίτης* ἀπαλλοτρίωται τῆς μετέωρης χειρὸς, ὅσων, πόων, λόγων, δυνάμεων: & sanorum valerudo in multos annos continuata conseruatur. In temperatis & exquisitis sanis omnia naturæ & consuetudini deferenda: ceteri arte correctrice & directrice indigent, quam plerique etiā in senectute viuunt. Neque profecto miserē viuunt, qui medicē viuunt.



MNIVM Medicinæ partium prima est & præstantissima *ὑγίαινη*, quæ præsentem hominis sanitatem aut inculpatam similibus tuetur, aut nutantem modico contrariorum vsu firmat, ac subinde vitæ curriculum prorogat: Cuius postrema ætas senectus est, non tam annorum numero, quā corporis temperamento frigido siccō, æstimanda. Prima dies calidissima humidissima; vltima frigidissima siccissima, ad quam *ἡγεῖται* via est in animalibus, *ἐκ τῶν* in plantis: hinc fenio extincti proprio nomine *ἀδύσβητες* dicti. Partes solidas exsiccare si prohibes, senectutem sistis & *μυῖα* carces: corpus excrementis si liberas, *σβήν* impedis. Est quippe in viuētibz (præter communem materię primæ nouarum formarum appetitum, & insitum materię secundæ contrariorum dissidium) connata interitus causa duplex, perennis triplicis substantię effluxus, & inuitabilis excrementorum proventus: vnde viuificus calor, elemento stellarum proportionē respondens, *καὶ τῇ φύσει, καὶ τῇ δυνάμει* sensim fatiscit: ille suo fraudatus genio, ambientis furto thesaurum vitæ depeculantis, tantam iacturam cumulatē nequit refarcire; quin assiduo agitur opere, vires deperdit cundo; & subortis ex nouā dissimilis substantię instauratione excrementis continuō dērebitur.



ATVRA fatalia hæc viuētiū damna vtrūque reparat, ætris inspiratione & transpiratione, quo ne momento quidem carere possumus; alimentum tam solidi quā liquidi intussusceptione, abs quo hominis vita vltra septimum diem non prorogaretur; & excrementorum vacatione, quibus alioquin calor citō obrueretur. Naturæ ministrat Medicina quæ horum deductu & ratione adhibita, feliciorem triplicis substantię reparationem molitur, & parciorem superfluitatum proventum maturius excludi procurat. Aëris non solum substantiā rescimus, sed etiam tempericiuamur: illa tenuis & pura omnibus peracque utilis est: hæc variis naturis varia conuenit, soli Medico Diæterico dijudicanda. In esculentorum & poculentorum ratione spectatur *καὶ τὸ ποτὸν, καὶ τὸ πρὸν*: naturam *καὶ τῇ φύσει* ducem ferē sequimur: *καὶ τῇ πρὸς* diligentiori cautione est opus: An id tantum quod sapit, nutrit? Certe id alimentum Ambrosiam atque Athanasiam vincit, quod cum plurimum laudabilis succi generet, facili coquitur, & in partes *ἐκείνων* digeritur. An sanis à suilla carne abstinentium: credat ludus Apella, non ego. Nulli non prodest vini diluti, aut aceti mulsi, potus. Eduliorum varietas natium robur fatigat & deijcit: Eorum sumendorum tempus natura præscribit, Ars ordinem & præparationem: ita vt vtraque per se indigens, altera alterius auxilio viget.



RTIS potissima est cura in excrementorum vacatione, quæ in vnaquaque cōtione segregantur: in prima per aluum: in secunda per vesicam: in tertia per totum corporis habitum, cuius ratione tam varia exercitationum, frictionum, balnearum, generā à legitimā Gymnasticā (quæ *ὑγίαινης* pars est) inuenta sunt & instituta. Moderatā tum corporis tum animi agitatione, calor vegetior factus perfectiorem cōtione promouet, expeditiorem distributionem, validiorem nutritionē, superfluoꝝ excretionem faciliorem: vno verbo vitæ principia diutissime fouet, nec præproperē dissipari sinit aut opprimi. Labor cibū præcedat, quis excipiat. Impura corpora medicamento mouenda sunt ac veluti exercenda, deinde nutrienda. Cum duo faciunt idem, non est idem: neque omnibus Venus est eadem, omnibus tamen modē moderata competit, præsertim à somno. Sic ab arte sua cuique accipienda viuendi norma, si non tædei celi conuexa tueri. Hac philosophia Democritus senectutem intus vino, foris oleo, diu refocillauit. Non aurum Chymicum sed Indicum vitale est, & omnino prælat signatum Hermetico. Mangonio & fucis, quibus Agyræ mulierculis os sublinunt, cuticula cœtur non senectæ. Perditus Paracelsus in pipē Peliam recoquere tentat: *ἀπὸ τῆς ἐπεύσεως ἐστὶ τὴν ἕξιν ἡγεῖται μετὰ βολὴν, ἀδύνατον*.



AKPOBIO THS non ex solā humidivbertate repetenda est, quin potius si nec illud sit æquum nec excrementitium; sed lentum, pingue, & æcreum, quod neque siccetur facili, neque congeletur. Hinc oleosa & resinosa arbores ceteris diutius perennant: nec sunt prociora animalia minoribus perpetuō viuaciora; imō pecus aquaticum terreftri *βελτίον*. Hinc etiam homines in locis calidis degentes perhibentur diuturnioris æui. Calidum humidum nunquam peccat in excessu: & sanē id ipsum temperamentum maximē confert ad sanitatem, quod ad diuturnitatem conducit: alij tamen integrā valitudine citius vitæ penam aboluunt: alij licet aduersā, tardius. Omnibus victus error plures annos potest præripere, quos artis Medicæ beneficium addit, non modo quod marcorem seu senectutem ex morbo emendet, atque sæpius tollat: sed etiam quod naturalem remoretur, & si non impedit vel aufert, saltem retardet.

Ergo Senectus arte Medica potest retardari. 183

Proponebat Lutetiæ VICTOR PALLV, Turonensis. A. R. S. H. M. DCXXIX.

*Ex radley figura habet
Hindes de Pallu p. 123.*